



## TOSHKENT DAVLAT YURIDIK UNIVERSITETI REKTORINING B U Y R U G ' I

2020-yil «25» dekabr

02-241-son

### Талабаларга ҳайфсан эълон қилиш тўғрисида

Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги ПФ-5987-сон Фармонининг 2-бандида замонавий талаблар, илғор халқаро юридик тажриба ва меҳнат бозори эҳтиёжлари асосида юқори малакали, ижодий фикрлайдиган, ҳалол кадрлар тайёрлашни таъминлаш юридик таълим ва фанни янада ривожлантиришнинг устувор йўналишларидан бири этиб белгиланган. Университетда юқори малакали ва ҳалол юридик кадрларни тайёрлаш учун академик ҳалоллик талабларига қатъий риоя қилиш тизими яратилган. Шунга қарамасдан, қуйидаги талабалар томонидан академик ҳалоллик талабларини бузиш ҳолатлари аниқланди.

Талабалар Муйдинов Миркамолжон Хабибулло ўғли, Чориев Улугбек Абдимуминович, Ўрмонов Асилбек Бахтиёржон ўғли, Тожимаматов Бехзод Тожимаматович, Абдуллаев Хамидулло Толипжон ўғли, Рахмонов Шерзод Султонбоевич ва Очилов Мирзобек Мурод ўғли ўз хатти-ҳаракатлари билан университетнинг қуйидаги норматив ва локал ҳужжатлари талабларини қўпол равишда бузган:

1) Тошкент давлат юридик университетида ўқитишнинг модуль тизими шароитларида талабалар билимини назорат қилиш тартиби ва баҳолаш мезонлари тўғрисида низом (2016 йил 22 апрель, рўйхат рақами 2780) 18-банди, яъни оралиқ назорат ишлари мустақил равишда тайёрланиши ва академик ҳалоллик талабларига риоя этилиши;

2) Карантинга оид чоралар амал қилиш даврида Тошкент давлат юридик университетида талабалар модуль бўйича ўқув дастурларини ўзлаштирганлик даражаларини аниқлаш тартибининг 8-банди, яъни оралиқ назорат ишлари мустақил равишда тайёрланиши ва академик ҳалоллик талабларига риоя этилиши;

3) Одоб-ахлоқ кодекси 27-моддаси 1-банди 5-хатбошиси, яъни ёзма ишларни ҳимоя қилиш ва рейтинг назоратига доир тартиб-қоида бажариш вақтида четдан ёрдам олмаслик, ўзгаларга ёрдам кўрсатмаслик.

Юқоридагиларни инобатга олиб, Олий таълим тўғрисидаги низом (2003 йил 22 февраль, рўйхат рақами 1222) 51-банди ва университет ректорининг 2017 йил 7 сентябрдаги 08-338-сон буйруғи билан тасдиқланган

Тошкент давлат юридик университети Ички тартиб қоидаларининг 77 ва 104-бандларига асосан ҳамда келгусида шу каби ҳар қандай салбий ҳолатларнинг олдини олиш мақсадида

### **Б У Ю Р А М А Н:**

1. Тошкент давлат юридик университетида ўқитишнинг модуль тизими шароитларида талабалар билимини назорат қилиш тартиби ва баҳолаш мезонлари тўғрисида низом, Карантинга оид чоралар амал қилиш даврида Тошкент давлат юридик университетида талабалар модуль бўйича ўқув дастурларини ўзлаштирганлик даражаларини аниқлаш тартиби ҳамда Одоб-ахлоқ кодексининг тегишли бандларини бузганлиги учун Хусусий ҳуқуқ факультети 4-босқич талабалари Муйдинов Миркамолжон Хабибулло ўғли, Чориев Улугбек Абдимуминович, Ўрмонов Асилбек Бахтиёржон ўғли, 3-босқич талабалари Тожимаматов Бехзод Тожимаматович, Абдуллаев Хамидулло Толипжон ўғли, Рахмонов Шерзод Султонбоевич ва Очилов Мирзобек Мурод ўғлига ҳайфсан эълон қилинсин.

2. Хусусий ҳуқуқ факультети декани (Б.Ходжаев):

ушбу буйруқ мазмун-моҳияти билан факультет талабаларини таништирсин;

мазкур ҳолат такрор содир этилса, талабани талабалар сафидан четлаштириш мумкинлиги тўғрисида огоҳлантирсин;

келгусида факультетда шу каби салбий ҳолатларнинг олдини олиш чораларини кўрсин;

мазкур талабанинг шахсий ҳужжатлар йиғмажилдига буйруқ нусхаси тикилишини таъминласин.

3. Барча факультет деканлари мазкур буйруқ мазмун-моҳияти билан барча талабаларни таништириб, келгусида шу каби ҳолатларнинг олдини олиш чораларини кўришсин.

4. Мазкур буйруқ ижросини назорат қилиш проректор А.Ҳашимҳонов зиммасига юклансин.

**Ректор**



**Р.Ҳакимов**

**Лойиҳа киритди:**

Хусусий ҳуқуқ факультети  
декани

Б.Ходжаев

**Келишилди:**

Проректор

И.Рустамбеков

Проректор

А.Хашимхонов

Ўқув-услубий бошқарма  
бошлиғи

А.Тошпулатов

Маънавият ва маърифат  
маркази директори

Ш.Пўлотов

Катта юрисконсульт

Э.Хосилов